

第〇五〇冊

曆象彙編

庶徵典

鱗介異部

蟲豸異部

蝗災部

草木異部

(卷)

一七六一七

一六

一六一三

一三一六

古今圖書集成

中華書局影印

圖書集成

卷一百一十五

目錄

卷一百一十五

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

目錄

古今圖書集成

中華書局影印

有介蟲之孽 謂小蟲有介飛揚之類陽氣所生也于春秋爲螽今謂之蝗皆其類也

聽之不聰是謂不謀厥咎急厥罰恆寒時則有魚孽寒氣動故有魚孽雨以龜爲孽龜能陸處非極陰也魚去水而死極陰之孽也 劉歆聽傳曰有介蟲孽 京房易傳曰衆逆同志厥妖河魚逆流上海數見巨魚邪人進賢人疎

皇之不極是謂不建厥咎耗厥罰恆陰厥極弱時則有龍蛇之孽 易曰雲從龍又曰龍蛇之蟄以存身也陰氣動故有龍蛇之孽 京房易傳曰衆心不安厥妖龍鬪有德遭害厥妖龍見井中立嗣子疑厥妖蛇居國門闕

淮南子

天文訓

甲子干戊子介蟲不爲

注不成也

壬子干庚子大剛魚不爲

後漢書

五行志

聽之不聰是謂不謀時則有魚孽魚孽劉歆傳以爲介蟲之孽

注月令章句曰介者甲也謂龜蟹之屬也

宋書

出龍圖

靈龜者神龜也王者德澤湛清漁獵山川從時則出五色鮮明三百歲游蓮葉之上三千歲常游于卷耳之上知存亡明于吉凶禹卑宮室靈龜見元龜書者天符也王者德至淵泉則徂出龜書

比目魚王者德及幽隱則見

河精者人頭魚身師曠時所受讖也

大員王者不貪財寶則出

魏書

靈徵志

龍蛇之孽鴻範論曰龍鱗蟲也生於水雲亦水之象陰氣盛故其像至也人君下悖人倫上亂天道必有篡殺之禍

管窺輯要

龍占

龍者貴象也非人所見一曰龍者水物非其所見處即爲妖

國有神龍見人君恩憐百姓青龍黃龍見者應禎瑞也一曰蒼龍見國有禍一曰青龍王者有仁德則見握鏡占曰蒼龍見國有憂赤龍見大旱黃龍見土工與白龍見有兵黑龍見有大水黃龍見其國當有王者與以見之日辰占之并知其期一曰木失其形則春青龍見其國被兵其鄉人散亡火失其形則夏赤龍見其國災金失其形則秋白龍見其國兵與其鄉人多死喪水失其形則冬黑龍見其國多雨水之災土失其形則四季黃龍見其國土工大興一曰黑龍見于國者有賢人至先吉後凶

龍見于朝占曰人君行不順天時則龍下其廷

龍出宮中讒臣聚其國亡龍見於邑其邑遷龍見于川其地兵大起龍見于社有兵戰社稷改造龍見于道於田於人家皆爲其地有兵戰林下不占龍以冬出皆下謀上大戰大喪春夏占秋不占

天無雲而有龍見大水出大兵起

龍入人家貴人憂之一曰龍入人室居若出地中飛去者臣下謀上其人家有大凶又曰龍入人家爲妖其國亡

龍見于井京房曰有德遭害厥妖龍見井中龍從井中出下有猾謀京房曰井出龍人君不守宗廟又曰君行刑暴急則黑龍從井出龍入井中王侯有幽執者

龍鬪其地有戰京房占曰衆心不安厥妖龍鬪邑中有兵其國且分一日天下有大爭又曰國易主

龍乳人家主有大水

龍死于野天下易主龍墜而死國烏惡之京房曰羊有一角出巔龍也魚有角龍也田螺有角五色龍也長尾蟠者龍也蜥蜴有長尾赤色龍也殺之震死

龜魚占

龜魚鱗介之屬皆兵象也甲蟲無故生宗廟中三公叛冬不藏兵起

海數見巨魚邪人進賢人疎鯨魚出海而死世主死大魚死岸大臣薨

魚行人道兵起池魚忽躍上岸有遠信通魚去水而飛入陸兵且作一曰魚飛去水人去其居有虛邑魚龍入宮兵起宮中水族見宮室中主憂

符瑞志

黃龍者四龍之長也不流池而漁德至淵泉則黃龍游于池能高能下能細能大能幽能冥能短能長能存能亡赤龍河圖者地之符也王者德至淵泉則河

羣魚逆流而上民不從君令京房曰衆逆同志厥妖魚逆流上

魚乘空而闕下民將有兵戰

陸行得魚主疾病凶

魚死道中有兵兵敗水中魚無故自死世主亡

龜鼈入宅及上屋皆主死亡陸行見龜鼈所求不利

蟹化鼠食穀有災

龜蛇入宅交有死亡龜食稻谷有殃鼈蟹見國都宮室兵行

異魚占

魚狀如鮒而疑其音如豚名曰鯀魚見則天下大旱

魚狀如鯁鯉魚身鳥翼倉文目青赤喙名曰文鯀常以夜飛其音如鸞見則大穰比目魚非所出而見王者有恩及百姓

魚狀如鱣一目其音如鼃見則天下大旱

軍中鱗變異占

龍下飲軍中水軍散營空青龍見足軍罷散

軍行逢蛇有大戰軍行前有赤蛇有戰急備之軍行見蛇從道中入水者得敵使者吉軍行見蛇在前防伏兵軍營既成有大蛇入營急徙之蛇在軍隊中有陰謀蛇入廳及帳幕屈盤者勿傷之爲其有謀相助也

魚入軍中有戰凶

軍中忽見龜宜急徙不則有戰

蟹入軍營中其兵解散軍行路螃蟹多必戰之兆突兵損將軍營之中忽生螃蟹急移之軍必敗亡軍營中蛇蟹並出衆多成羣者士叛之象

軍中忽見龜鼈龜鼈者軍人有進退之心宜賞責士卒

鱗介異部彙考二

商

帝紂 年龜生手

按史記殷本紀不載 按搜神記商紂之時大龜生

毛兵甲將與之象也

周

厲王三十七年龍蜃化爲元龜

按史記周本紀昔夏后氏之衰也有二神龍止于夏帝庭夏帝卜請其蜃而藏之夏亡傳此器股股亡又傳此器周至厲王之末

傳此器周至厲王之末 王流龜之歲發而觀之蜃流于庭不可除厲王使婦人裸而諫之蜃化爲元龜以入王後宮

按龍蜃化龜事史記但言厲王之末成王編次于此

按漢書五行志史記夏后氏之衰有二龍止于夏廷而言余衷之二君也夏帝卜殺之去之止之莫吉卜請其蜃而藏之乃吉于是布幣策告之龍亡而蜃在乃置去之其後夏亡傳于殷周三代莫發至厲王末發而觀之蜃流于廷不可除也厲王使婦人裸而

諫之蜃化爲元龜入後宮處妾遇之而孕生子懼而棄之宣王立女童書曰壓弧其服實亡周國後有夫婦鬻器者宣王使執而僇之既去見處妾所棄妖子聞其夜號哀而收之遂亡奔褒褒人有罪入妖子以贖是爲褒姒幽王見而愛之生子伯服王廢申后及太子宜咎而立褒姒伯服代之廢后之父申侯與

繪西歐戎共攻殺幽王詩曰赫赫宗周褒姒滅之劉向以爲夏后季世周之幽厲皆詩亂逆天故有龍龜之怪近龍蛇孽也蜃血也一日沫也壓弧桑弓也其服蓋以其草爲箭服近射妖也女童書者禍將生于女國以兵寇亡也

景王二十二年龍闕于鄭

按春秋不書 按左傳昭公十九年鄭大水龍闕于

時門之外洧淵國人請爲禱焉詩產弗許曰我闕龍不我覲也龍闕我獨何覲焉禱之則彼其室也吾無求于龍龍亦無求于我乃止也

按漢書五行志左氏傳昭公十九年龍闕于鄭時門之外洧淵劉向以爲近龍孽也鄭以小國攝乎晉楚之間重以強吳鄭當其冲不能修德將闕三國以自危亡是時子產任政內惠于民外善辭令以交三國鄭卒亡患能以德消變之效也京房易傳曰衆心不安厥妖龍闕

秦

始皇八年河魚大上

按史記秦始皇本紀八年河魚大上

注 劉向所謂豕蟲之孽明年嫪毐誅魚陰類小人象

第○五○冊 之○二 葉

按漢書五行志史記秦始皇八年河魚大上劉向以爲近魚孽也是歲始皇弟長安君將兵擊趙反死屯留軍吏皆斬遷其民于臨洮明年有瘰毒之誅魚陰類民之象逆流而上者民將不從君令爲逆行也其在天文魚星中河而處車騎滿野至于二世暴虐愈甚終用急亡京房易傳曰衆逆同志厥妖河魚逆流上

漢

惠帝二年龍見井中

按漢書惠帝本紀二年春正月癸酉有兩龍見蘭陵人家井中乙亥夕而不見 按五行志二年正月癸酉且有兩龍見于蘭陵廷東里溫陵井中至乙亥夜去劉向以爲龍貴象而困于庶人井中象諸侯將有幽執之禍其後呂太后幽殺三趙王諸呂亦終誅滅京房易傳曰有德遭害厥妖龍見井中又曰行刑暴惡黑龍從井出

文帝十五年黃龍見

按漢書文帝本紀十五年春黃龍見于成紀

宣帝甘露元年黃龍見

按漢書宣帝本紀甘露元年夏四月黃龍見新豐

成帝鴻嘉元年黃龍見

按漢書成帝本紀鴻嘉元年冬黃龍見真定

鴻嘉四年雨魚

按漢書成帝本紀不載 按五行志鴻嘉四年秋雨

魚于信都長五寸以下

永始元年大魚出

按漢書成帝本紀不載 按五行志永始元年春北

海出大魚長六尺高一丈四枚

末始二年黑龍見東萊

按漢書武帝本紀二年春二月詔曰乃者龍見於東萊日有蝕之天著變異以顯朕郵朕甚懼焉公卿申救百寮深思天誠有可省減便安百姓者條奏所振貸貧民勿收 按谷永傳永爲涼州刺史奏事京師訖當之部時有黑龍見東萊上使尚書問永受所欲言永對曰臣聞王天下有國家者患在上有危亡之事而危亡之言不得上聞如使危亡之言輒上聞則商周不易姓而迭興三正不變改而更用夏商之將亡也行道之人皆知之晏然自若以天有日莫能危是故惡日廣而不自知大命傾而不寤易曰危者有其安者也亡者保其存者也陛下誠垂寬明之聽無忌諱之誅使芻蕘之臣得盡所聞于前不懼患于後直言之路開則四方衆賢不遠千里輻輳陳忠羣臣之上願社稷之長福也漢家行夏正夏正色黑黑龍同姓之象也龍陽德由小之大故爲王者瑞應未知同姓有見本朝無繼嗣之慶多危殆之隙欲因擾亂舉兵而起者邪將動心冀爲後者殘賊不仁若廣陵昌邑之類臣愚不能處也去年九月黑龍見其晦日有食之今年二月己未夜星隕乙酉日有食之六月之間大異四發而二同月三代之末春秋之亂未嘗有也臣聞三代所以隕社稷喪宗廟者皆由婦人與羣惡沈湎于酒書曰乃用婦人之言自絕于天四方之逋逃多罪是宗是長是信是使詩云燎之方陽寧或滅之赫赫宗周褒姒滅之易曰濡其首有孚失是泰所以二世十六年而亡者養生泰奢泰終泰厚也

二者陛下兼而有之臣請略陳其效易曰在中饋無攸遂言婦人不得與事也詩曰懿厥慝婦爲梟爲鴟匪降自天生自婦人建始河平之際許班之貴傾動前朝熏灼四方賞賜無量空虛內城女寵至極不可上矣今之後起天所不饗什倍于前廢先帝法度聽用其言官秩不當縱釋王誅驕其親屬假之威權縱橫亂政刺舉之吏莫敢奉憲又以掖庭獄大爲亂阱榜箠將於炮烙絕滅人命主爲趙李報德復怨反除白罪建治正更多繁無辜掠迫恐至爲人起責分利受謝生入死出者不可勝數是以日食再既以昭其辜王者必先自絕然後天絕之陛下棄萬乘之至貴樂家人之賤事厭高美之尊號好匹夫之卑宇崇聚儔輕無義小人以爲私客數離深宮之固挺身晨夜與羣小相隨烏集雜會飲醉吏民之家亂服共坐沈湎嫖娼潤殺無別閔免道樂晝夜在路典門戶奉宿衛之臣執干戈而守空宮公卿百寮不知陛下所在積數年矣王者以民爲基民以財爲本財竭則下畔下畔則上亡是以明王愛養基本不敢窮極使民如承大祭今陛下輕奪民財不愛民力聽邪臣之計去高敞初陵捐十年功緒改作昌陵反天地之性因下爲高積土爲山發徙起邑並治宮館大興緣役重增賦斂徵發如雨役百乾給費疑驪山靡敝天下五年不成而後反故又廣野榮表發人家墓斷截骸骨暴揚尸樞百姓財竭力盡愁恨感天災異屢降饑饉仍臻流散冗食餒死於道以百萬數公家無一年之畜百姓無旬日之儲上下俱匱無以相救詩云殷監不遠在夏后之世願陛下追觀夏商泰所以失之以

鏡考已行有不合者臣當伏妄言之誅漢興九世百九十餘載繼體之主七皆承天順道遵先祖法度或以中興或以治安至于陛下獨遵道縱欲輕身妄行當盛壯之隆無繼嗣之福有危亡之憂積失君道不令天意亦已多矣為人後嗣守人功業如此豈不負哉方今社稷宗廟禍福安危之機在于陛下陛下誠肯發明聖之德昭然遠播畏此上天之威怒深懼危亡之徵兆蕩滌邪辟之惡志厲精致政專心反道絕羣小之私客免不正之詔除悉罷北宮私奴車馬婚出之具克已復禮無貳微行出飲之過以防迫切之禍深惟日食再既之意抑損椒房王堂之盛寵母聽後宮之請謁除掖庭之亂獄出炮烙之陷阱誅戮佞邪之臣及左右執左道以事上者以塞天下之望且寢初陵之作止諸繕治宮室闕更減賦盡休力役存恤振排困乏之人以弭遠方厲崇忠直放退殘賊無使素餐之吏久尸厚祿以次貫行固執無違夙夜孳孳省無怠愆畢改新德既章纖介之邪不復戴心則赫赫大異庶幾可銷天命去就庶幾可復社稷宗廟庶幾可保唯陛下留神反覆熟省臣言臣幸得備邊部之吏不知本朝失得譬言觸忌諱罪當萬死成帝性寬而好文辭又久無繼嗣數為微行多近幸小臣趙李從微賤專寵皆皇太后與諸舅夙夜所常憂至親難數言故推永等使因天變而切諫勸上納用之未自知有內應展意無所依違每言事輒見答禮至上此對上大怒衛將軍商密摘末令發去上使侍御史收末勅過交道廐者勿追御史不及末還上意亦解自悔明年徵末為大中大夫

哀帝建平三年大魚出

按漢書哀帝本紀不載 按五行志建平三年東萊平度出大魚長八尺高丈一尺七枚皆死京房易傳曰海數見巨魚邪人進賢人疎

後漢

光武帝建武十二年黃龍見

按後漢書光武本紀建武十二年六月黃龍見東阿

章帝建初六年黃龍見

按後漢書章帝本紀建初六年有八黃龍見于泉陵

安帝延光元年黃龍見

按後漢書安帝本紀延光元年八月辛卯九真言黃龍見無功

延光三年黃龍見

按後漢書安帝本紀三年十二月乙未琅邪言黃龍見諸縣 按五行志延光三年濟南言黃龍見歷城

琅邪言黃龍見諸縣是時安帝聽讒免太尉楊震震

自殺又帝獨有一子以為太子信讒廢之是皇不中

故有龍孽是時多用佞媚故以為瑞應明年正月東

郡又言黃龍二見漢陽

延光四年黃龍見

按後漢書安帝本紀四年春正月壬午東郡言黃龍

二見漢陽

桓帝建和元年黃龍見

按後漢書桓帝本紀建和元年二月沛國言黃龍見

諶

元嘉二年黃龍見

按後漢書桓帝本紀元嘉二年八月濟陰言黃龍見

句陽金城言黃龍見允術

延熹七年野王有死龍

按後漢書桓帝本紀延熹七年秋七月野王山上有死龍 按五行志延熹七年六月壬子河內野王山

上有龍死長可數十丈襄楷以為夫龍者為帝王瑞

易論大人天鳳中黃山宮有死龍漢兵誅莽而世祖

復興此易代之徵也至建安二十五年魏文帝代漢

延熹八年黃龍見

按後漢書桓帝本紀八年正月己酉南宮嘉德署黃

龍見

靈帝熹平二年大魚出

按後漢書靈帝本紀不載 按五行志熹平二年東

萊海出大魚二枚長八九丈高二丈餘明年中山王

暢任城王博並薨

注京房易傳曰海出巨魚邪人進賢人疎臣昭謂

此占符靈帝之世巨魚之出于海是為徵寧獨二王

之妖也

熹平五年黃龍見

按後漢書靈帝本紀熹平五年沛國言黃龍見諶

按魏志文帝本紀初漢熹平五年黃龍見諶光祿大

夫橋元問太史令單颺此何祥也颺曰其國後當有

王者興不及五十年亦當復見天事恒象此其應也

內黃殷登默而記之至四十五年登尚在三月黃龍

見諶登問之曰單颺之言其驗茲乎

魏

明帝青龍元年青龍見

按魏志明帝本紀青龍元年春正月甲申青龍見邺

之摩陂井中二月丁酉辛摩陂觀龍于是改年改摩陂為龍陂

景初元年黃龍見

按魏志明帝本紀景初元年春正月壬辰山荏縣言

黃龍見

齊王嘉平四年魚見武庫

按魏志齊王本紀嘉平四年夏五月魚二見于武庫

屋上

高貴鄉公甘露元年青龍見

按魏志高貴鄉公本紀甘露元年春正月辛丑青龍

見軹縣井中六月乙丑青龍見元城縣界井中

甘露二年青龍見

按魏志高貴鄉公本紀二年春二月青龍見溫縣井

中

甘露二年青龍黃龍見

按魏志高貴鄉公本紀三年是歲青龍黃龍仍見頓

丘冠軍陽夏縣井中

甘露四年黃龍見

按魏志高貴鄉公本紀四年春正月黃龍二見寧陵

縣界井中

陳留王景元元年黃龍見

按魏志陳留王本紀景元元年十二月甲申黃龍見

華陰縣井中

景元三年青龍見

按魏志陳留王本紀三年春二月青龍見于軹縣井

中

咸熙二年獲靈龜

按魏志陳留王本紀咸熙二年春二月甲辰胸臆縣

獲靈龜以獻歸之于相國府

吳

大帝黃武元年黃龍見

按吳志孫權傳黃武元年三月鄱陽言黃龍見

黃龍元年黃龍見

按吳志孫權傳黃龍元年夏四月夏口武昌竝有黃

龍鳳皇見

赤烏五年黃龍見

按吳志孫權傳赤烏五年三月海鹽縣言黃龍見

赤烏十一年黃龍見

按吳志孫權傳十一年夏四月雲陽言黃龍見

景帝永安四年白龍見

按吳志孫休傳永安四年九月布山言白龍見

永安五年黃龍見

按吳志孫休傳五年秋七月始新言黃龍見

永安六年黃龍見

按吳志孫休傳六年夏四月泉陵言黃龍見

晉

武帝泰始元年青龍白龍見

按晉書武帝本紀泰始元年青龍三白龍二見于郡

國

泰始二年青龍黃龍見

按晉書武帝本紀二年青龍十黃龍九見于郡國

泰始三年白龍見

按晉書武帝本紀二年春正月癸丑白龍二見于弘

農池

泰始五年青龍白龍見

按晉書武帝本紀五年春正月青龍二見于榮陽二

月辛巳白龍二見于趙國

咸寧二年白龍見

按晉書武帝本紀咸寧二年六月白龍二見于新興

井中十一月白龍二見于梁國

太康元年白龍見

按晉書武帝本紀太康元年八月白龍三見于未昌

太康三年白龍見

按晉書武帝本紀二年夏閏月癸丑白龍二見于濟

南

太康五年青龍見

按晉書武帝本紀五年春正月己亥青龍二見于武

庫井中

太康六年白龍見

按晉書武帝本紀六年八月白龍見于京兆

太康 年有鯉魚二見武庫屋上

按晉書武帝本紀不載 按五行志太康中有鯉魚

二見武庫屋上干寶以爲武庫兵府魚有鱗甲亦兵

類也魚既極陰屋上太陽魚見屋上象至陰以兵革

之禍干太陽也至惠帝初誅楊駿廢太后矢交館閣

元康末賈后誘殺太子尋亦誅廢十年之間母后之

難再興是其應也自是禍亂構矣京房易妖曰魚去

水飛入道路兵且作

惠帝末康元年黃龍見

按晉書惠帝本紀不載 按五行志末康元年八月

巴郡言黃龍見時吏傳堅以郡欲上言內白事以爲

走卒戲語不可太守不聽嘗見堅語云時氏以天熱欲就池浴見池水濁因戲相恐此中有黃龍語遂行人間聞郡欲以爲美故言時史以書帝紀時政治衰缺而在所多言瑞應皆此類也又先儒言瑞與非時則爲妖孽而民訛言生龍語皆龍孽也

恭帝元熙元年黑龍見

按晉書恭帝本紀元熙元年十二月己卯太史奏黑龍四見于東方

按宋書符瑞志元熙元年十二月二十四日四黑龍登天易傳曰冬龍見天子社稷大人應天命之符

宋

末帝昇明三年白魚入舟白毛龜見

按宋書末帝本紀不載 按南齊書祥瑞志昇明三年世祖遣人詣宮亭湖廟還福船泊渚有白魚雙躍入船 又按志昇明三年太祖爲齊王白毛龜見東府城池中

南齊

高帝建元二年獲元龜

按南齊書高帝本紀不載 按祥瑞志建元二年休安陵獲元龜一頭

武帝末明五年獲青毛龜及金色魚

按南齊書武帝本紀不載 按祥瑞志末明五年武騎常侍唐潛上青毛神龜一頭 又按志末明五年南豫州刺史建安王子真表獻金色魚一頭 末明七年獲青毛龜

按南齊書武帝本紀不載 按祥瑞志七年六月彭城郡田中獲青毛龜一頭

永明八年獲毫龜四目六目龜

按南齊書武帝本紀不載 按祥瑞志八年延陵縣前澤畔獲毫龜一枚四月長山縣王惠獲六目龜一頭腹下有萬歡字并有卦兆六月建成縣昌城田獲四目龜一頭下有萬齊字

末明九年獲神龜

按南齊書武帝本紀不載 按祥瑞志九年五月長山縣獲神龜一頭腹下有異兌卦

東昏侯末元三年龍闕

按南史齊東昏侯本紀末元三年秋七月丙辰龍闕于建康淮激水五里

和帝中興二年獲毛龜

按南齊書和帝本紀不載 按祥瑞志中興二年正月遷將潘道蓋于山石穴中獲毛龜一頭

梁

武帝天監五年獲八目四目龜

按梁書武帝本紀天監五年夏四月始豐縣獲八目龜一六月新興縣獲四目龜一

天監七年獲靈龜

按梁書武帝本紀七年夏四月辛未秣陵縣獲靈龜

天監十年獲一角元龜

按梁書武帝本紀十年五月癸酉安豐縣獲一角元龜

普通五年龍闕

按梁書武帝本紀普通五年六月乙酉龍闕于曲阿王陂因西行至建陵城所經處樹木倒折開地數十

文

簡文帝大寶二年龍見

按梁書簡文帝本紀不載 按陳書高祖本紀簡文帝大寶二年六月有龍見于水濱高五丈許五采鮮

耀軍民觀者數萬人

元帝承聖二年兩龍見

按梁書元帝本紀承聖二年二月庚寅有兩龍見湘州西江

按南史梁元帝本紀承聖二年三月有二龍自南郡城西升天百姓聚觀五采分明江陵故老竊相泣曰

昔年龍出建康淮西天下大亂今復有焉禍至無日矣帝聞而惡之踰年遭禍

承聖三年有龍出城濠中小龍隨之

按南史梁元帝本紀三年城濠中龍騰出煥爛五色疎躍入雲六七小龍相隨飛去羣魚騰躍墜死于陸

道龍處爲窟若數百斛圍舊大城上常有紫氣至時稍復消歇

陳

武帝末定三年青龍白龍見

按陳書高祖本紀末定三年春正月己丑青龍見于東方丁酉大雪及旦太極殿前有龍跡見甲午廣州刺史歐陽頔表稱白龍見于江州南岸長數十丈大

可八九圍

宣帝太建十一年龍見

按陳書宣帝本紀太建十一年春正月丁酉龍見于南兗州末寧樓側池中

北魏

世祖神麇三年白龍見獲白龜

按魏書世祖本紀不載 按靈徵志神麇三年三月有白龍二見于京師人家井中 又按志神麇三年七月冀州獻白龜王者不私人以官尊者任舊無偏黨之應

太平真君六年白龍見于井

按魏書世祖本紀不載 按靈徵志真君六年二月丙辰有白龍見于京師人家井中龍神物也而屈于井中皆世祖暴崩之徵也

高宗興安二年獲大龜

按魏書高宗本紀不載 按靈徵志興安二年六月營州進大龜

高祖延興元年獲大龜

按魏書高祖本紀不載 按靈徵志延興元年十二月徐州竹邑戍士邢德于彭城南一百二十里得著一株四十九枝下掘得大龜獻之詔曰龜著與經文相合所謂靈物也德可賜爵五等

延興三年獲大龜

按魏書高祖本紀不載 按靈徵志三年六月京師獲大龜

肅宗神龜元年神龜見

按北史魏肅宗本紀神龜元年二月己酉詔以神龜表瑞大赦改元

正光元年黑龍見

按魏書肅宗本紀不載 按靈徵志正光元年八月有黑龍如狗南走至宣陽門躍而上穿門樓下而出魏衰之徵也

敬宗末安二年龍見井中

按魏書敬宗本紀不載 按靈徵志末安二年晉陽龍見于井中久不去莊帝暴崩晉陽之徵也

前廢帝普泰元年有龍入城

按魏書前廢帝本紀不載 按靈徵志普泰元年四月甲寅有龍跡自宣陽門西出復入城乙卯羣臣入賀帝曰國將興聽于民將亡聽于神但當君臣上下克己為治未足恃此為慶

孝靜帝天平二年龍見

按魏書孝靜帝本紀天平二年十一月甲寅龍見井州人家井中

武定三年獲毛龜

按魏書孝靜帝本紀不載 按靈徵志武定三年十月有司奏南兗州陳留郡民賈興達于家庭得毛龜

北齊

武成帝河清二年有八龍升天

按北齊書武成帝本紀河清二年六月乙巳齊州言濟河水口見八龍升天

北周

武帝保定五年獲綠毛龜

按周書武帝本紀保定五年二月甲子郢州獲綠毛龜

宣帝大象二年龍闕

按周書宣帝本紀大象二年二月壬午榮州有黑龍見與赤龍闕于汴水之側黑龍死

隋

文帝開皇三年獲毛龜

按隋書文帝本紀開皇三年二月甲戌涇陽獲毛龜開皇八年龍見

按隋書文帝本紀八年九月癸巳嘉州言龍見

開皇十五年獲毛龜

按隋書文帝本紀十五年七月乙丑晉王諱獻毛龜

唐

高祖武德三年白龍見

按唐書高祖本紀不載 按開府元龜武德三年七月靈州言白龍見

太宗貞觀三年龍見

按唐書太宗本紀不載 按玉海貞觀三年五月癸亥龍見玉女泉

貞觀十四年白龍青龍見

按唐書太宗本紀不載 按開府元龜十四年七月

白龍見于富平九月杭州言青龍見

貞觀十五年白龍青龍見

按唐書太宗本紀不載 按開府元龜十五年二月

開州言白龍見六月滁州言青龍見九月滄州言龍

見

貞觀十六年白龍青龍見

按唐書太宗本紀不載 按開府元龜十六年七月

朔鄆州言白龍見九月金州言青龍見十二月宋州

言青龍見

貞觀十七年青龍見

按唐書太宗本紀不載 按開府元龜十七年七月

辛卯常州言青龍見

貞觀十八年青龍白龍見

按唐書太宗本紀不載 按開府元龜十八年正月

嘉州言青龍見四月豫州言白龍見七月會州言青

龍見朔州言青龍見九月汝州言青龍見

貞觀十九年獲毛龜青龍見

按唐書太宗本紀不載 按開府元龜十九年二月

岳州獻毛龜二十一月渠州言青龍見

貞觀二十年白龍青龍見

按唐書太宗本紀不載 按開府元龜二十年七月

安州言白龍見十一月汾州言青龍白龍見白龍吐

物初在空中有光如火至地陷入二尺掘之則元金

之形團斜廣高六七寸兗州言青龍見

貞觀二十一年白龍見

按唐書太宗本紀不載 按開府元龜二十一年六

月白龍見于鄆州七月鄆州言白龍見九月崑州言

白龍見

貞觀二十三年白龍見

按唐書太宗本紀不載 按開府元龜二十三年六

月洮州言白龍見

高宗顯慶元年龍見

按唐書高宗本紀不載 按五行志顯慶二年五月

庚寅有五龍見于岐州之皇后泉

龍朔元年龍見

按唐書高宗本紀不載 按開府元龜龍朔元年二

月益綿等五州皆言龍見六月兗州青龍三千九見

中宗嗣聖十八年_{即武后}大獲六眼龜

按唐書武后本紀不載 按五行志大足初度州獲

龜六眼一夕而失

景龍二年黃龍見

按唐書中宗本紀不載 按玉海景龍二年六月十

五日黃龍再見于牛山

景龍三年龍見

按唐書中宗本紀不載 按玉海景龍三年九月五

日龍見于上黨伏牛山之南岡

元宗先天二年獲靈龜

按唐書元宗本紀不載 按開府元龜先天二年八

月江州獻靈龜六脾腹下有元文象卦文

開元四年龍見

按唐書元宗本紀不載 按龍城錄開元四年景州

水中見一龍三頭時大水後數日有風自龍見處西

南來飛屋拔木半晝暝

開元二十三年獲毛龜

按唐書元宗本紀不載 按開府元龜二十三年十

月戊申揚州奏獲毛龜其色青

開元二十四年神龜見

按唐書元宗本紀不載 按開府元龜二十四年八

月戊申常州有神龜見綠毛黃甲

天寶五載白魚引舟

按唐書元宗本紀不載 按開府元龜天寶五載五

月乙卯河東郡太守李知柔奏乘泉縣潘水修功德

處有白魚引舟五色雲起望宣付史館從之

天寶十四載龍闕

按唐書元宗本紀不載 按五行志十四載七月有

二龍闕于南陽城西易坤上六龍戰于野文言曰陰

凝于陽必戰

天寶十五載白魚夾御舟

按唐書元宗本紀不載 按開府元龜十五載六月

元宗幸蜀七月壬戌至益昌郡濟州于吉伯渡有雙

白魚夾御舟而躍識者謂之兩隻飛龍焉

肅宗上元二年有龍聚於揚州

按唐書肅宗本紀不載 按五行志上元二年有龍

聚於揚州城門上節度使鄧景山以問族弟珽對曰

龍介物兵象也

乾元二年黃龍見

按唐書肅宗本紀不載 按舊唐書五行志乾元二

年九月通州三國縣放生池中日氣下照水騰波涌

上有黃龍躍出高丈餘又於龍旁數處浮出明珠

代宗大曆八年獲毛龜

按唐書代宗本紀不載 按舊唐書五行志大曆八年京師金天門外水渠獲毛龜

按冊府元龜大曆八年七月乙未蓬萊池獲毛龜出示百寮壬寅神策軍上言金天門外水渠中獲綠毛元龜獻之

德宗建中二年有龜殺積蛇

按唐書德宗本紀不載 按五行志建中二年夏趙州寧晉縣沙河北有棠樹甚茂民祠之爲神有蛇數百千自東西來趨北岸者聚棠樹下爲二積留南岸者爲一積俄有徑寸龜三繞行積蛇盡死而後各登其積野人以告蛇腹皆有瘡若矢所中刺史康日知圖其事奉三龜來獻

建中四年龍見

按唐書德宗本紀不載 按五行志四年九月戊寅有龍見于汝州城壕龍大人象其飛也大城壕失其所也

貞元三年魚龍無首獲毛龜

按唐書德宗本紀不載 按五行志貞元三年閏州

魚龍蔽江而下皆無首

按冊府元龜貞元三年八月淄青節度使李納獻毛龜詔示百寮

貞元四年獲毛龜

按唐書德宗本紀不載 按冊府元龜貞元四年四月宗正寺獻毛龜

貞元 年資州獻龍

按唐書德宗本紀不載 按五行志貞元末資州得

龍丈餘西川節度使韋皋匣而獻之百姓縱觀三日爲煙所熏而死

順宗末貞元年憲宗即位獲毛龜

按唐書憲宗本紀不載 按冊府元龜憲宗以末貞元年八月乙巳即位是月庚戌荆南獻毛龜二憲宗元和七年龍見

按唐書憲宗本紀不載 按舊唐書五行志元和七年四月野州桐城縣有黃青白三龍各一翼風雷自

梅天陂起約高二百尺凡六里降于浮塘陂

元和九年青龍見

按唐書憲宗本紀不載 按舊唐書五行志九年四月道州二青龍見于江中

文宗太和二年龍闕

按唐書文宗本紀不載 按五行志太和二年六月

丁丑西北有龍闕

按舊唐書五行志太和二年六月七日密州卑產山

北面有龍見初赤龍從西來續有青龍黃龍從南來後有白龍黑龍從山北來並形狀分明自申至戌方散去

太和三年有蟲狀如龜有龍與牛鬪

按唐書文宗本紀不載 按五行志三年魏博管內有蟲狀如龜其鳴晝夜不絕近龜孽也 又按志三年成都門外有龍與牛鬪

僖宗光化三年龍闕

按唐書僖宗本紀不載 按五行志光化三年九月杭州有龍闕于浙江水溢壞民廬舍占全天寶十四

載

後梁

太祖開平二年白龍見

按五代史梁太祖本紀不載 按冊府元龜開平二年八月甲子廣州上言白龍見圖形以進

開平四年 即蜀武龍見

按五代史梁太祖本紀不載 按十國春秋蜀高祖本紀武成三年八月洵陽水中有龍五十如牛馬驢羊之形行入漢江五色相間

乾化二年白龍見

按五代史梁太祖本紀不載 按十國春秋南漢烈祖世家乾化二年廣州言白龍見

遼

太祖神冊五年獲龍

按遼史太祖本紀神冊五年夏五月庚辰有龍見于拽刺山陽水上上射獲之藏其骨內府

天顯元年黃龍見

按遼史太祖本紀天顯元年七月辛巳平旦于城上見黃龍繚繞可長一里光耀奪目入于行宮有紫黑氣蔽天踰日乃散

太宗會同三年獲白龜

按遼史太宗本紀會同三年夏四月乙丑南唐進白龜

宋

太祖建隆元年 即蜀廣政 龍見

按宋史太祖本紀不載 按幸蜀記廣政二十三年

正月龍見于玉壘關

乾德五年黑龍見

按宋史太祖本紀不載 按五行志太祖從周世宗征淮南戰于江亭有龍自水中向太祖奮躍乾德五年夏京師雨有黑龍見尾于雲際自西北趨東南占主大水明年州府二十四水壞田廬
開寶元年龍出井中

按宋史太祖本紀開寶元年六月辛巳龍出單父民家井中大風雨漂民舍四百區死者數十人 按五行志開寶六年四月單父縣民王美家龍起井中暴雨飄廬舍失族屬及壞舊鎮廨舍三百五十餘區大木皆折按起作元年志作六年五年異

開寶七年龍見
按宋史太祖本紀不載 按五行志七年六月棧州有火自空墮于城北門樓有物抱東柱龍形金色足三尺許其氣甚腥且視之壁上有烟痕爪跡三十六太宗太平興國二年白龍見

按宋史太宗本紀太平興國二年六月辛卯朔白龍見祁州要策池中
太平興國三年金明池出龜數萬
按宋史太宗本紀不載 按五行志三年三月鑿金明池既掘地有龜出殆踰萬數
至道元年海出大魚

按宋史太宗本紀不載 按五行志至道元年十二月廣州大魚擊海水而出魚死長六丈三尺高丈餘至道二年獲綠龜
按宋史太宗本紀不載 按玉海至道二年真宗即位五月甲戌壽州貢綠龜

真宗大中祥符元年蒼龍見

按宋史真宗本紀大中祥符元年五月壬戌王欽若言錫山蒼龍見

按玉海大中祥符元年五月二十八日丙午召輔臣于崇政殿北廊觀中使任文慶于茅山郭真人池所獲龍體長二尺許鱗細腹如玳瑁帝作觀龍歌復送茅山池
大中祥符二年有黑龜成羣

按宋史真宗本紀不載 按五行志二年四月有黑龜甚衆沿汴水而下
大中祥符四年龍見
按宋史真宗本紀四年六月丙午亳州二龍見
大中祥符五年龍見

按宋史真宗本紀五年冬十月辛巳龍見雲中大中祥符六年黑龍見
按宋史真宗本紀六年六月壬戌趙州黑龍見
天禧三年龍見

按宋史真宗本紀天禧三年八月丁亥滑州龍見
仁宗至和元年獲毛龜
按宋史仁宗本紀不載 按五行志至和元年二月信州貢綠毛龜
徽宗大觀元年獲兩首龜

按宋史徽宗本紀不載 按五行志大觀元年閏十月丙戌都水使者趙震行河得兩首龜以為瑞蔡京信之曰此齊小白所謂象罔見之而霸者也鄭居中曰首豈容有二而京主之意殆不可測帝命奔龜金明池
政和四年瑞州進六目龜

按宋史徽宗本紀不載 按五行志云云
政和五年博州進白龜

按宋史徽宗本紀不載 按五行志云云
政和七年有魚落殿中省
按宋史徽宗本紀不載 按五行志政和七年夏中有二魚落殿中省廳屋上
宣和元年有物如龍見京師

按宋史徽宗本紀宣和元年五月丙午朔有物如龍形見京師民家 按五行志宣和元年夏雨晝夜凡數日及霽開封縣前茶肆中有異物如犬大踣踞臥榻下細視之身僅六七尺色蒼黑其首類驢兩頰作魚頰而色正綠頂有角坐極長于其際始分兩岐聲如牛鳴與世所繪龍無異茶肆近軍器作坊兵卒來觀共殺食之已而京城大水訛言龍復讎云

高宗紹興 年龍入朱勝非舟中旌忠廟金蛇出
按宋史高宗本紀不載 按五行志紹興初朱勝非出守江州過梁山龍入其舟纔長數寸赤背綠腹白尾黑爪甲目有光近龍孽也 又按志行都柴棊橋旌忠廟三蛇出沒庭廡大者盈尺方鱗金色首脊有金錢遇霽或變化數百于蕉井間廟徙而蛇孽亦絕
紹興八年雨冰龜

按宋史高宗本紀不載 按五行志八年五月汴京太康縣大雷雨下冰龜數十里隨大小皆龜形具手足卦文
紹興十八年漳浦巨魚見

按宋史高宗本紀不載 按五行志十八年漳浦縣崇熙監場海岸連有巨魚高數丈割其肉數百車剗

目乃覺轉輒而傍艦皆覆又漁人獲魚長二丈餘重數千斤剖之腹藏人髀膚髮如生

紹興二十四年海鹽巨鯢見

按宋史高宗本紀不載 按五行志二十四年四月海鹽縣海洋有巨鯢羣鯢從之聲若鼉歌抵岸偃沙上猶揚鬣撥刺其高齊縣門

紹興二十五年赤龍見

按宋史高宗本紀不載 按五行志二十五年六月湖口縣赤龍橫水中如山寒風怒濤覆舟數十艘士卒溺者數十人

孝宗乾道五年龍闕

按宋史孝宗本紀不載 按五行志乾道五年七月乙亥武寧縣龍闕于復塘村大雷雨二龍奔逃珠墜大如車輪牧童得之自是連歲有水災

乾道七年巨龍擁舟

按宋史孝宗本紀不載 按五行志七年十一月丁亥洞庭湖巨龍走沙擁舟身廣長皆丈餘升舟以首足壓重艦沒水

淳熙十二年大魚見

按宋史孝宗本紀不載 按五行志淳熙十三年二月庚申錢塘大魚見

淳熙十六年獲五色魚

按宋史孝宗本紀不載 按五行志十六年六月甲辰錢塘旁江居民得魚備五色鰓首鯉身民詭言夢得魚覺而在手猶躍事聞有司令縱之

寧宗慶元三年獲異魚

按宋史寧宗本紀不載 按五行志慶元三年二月

饒州景德鎮漁人得魚賴尾鯉鱗而首異常魚鎮之老人言其不祥紹興二年嘗出後爲水災蓋是歲五月鎮果大水皆魚孽也

嘉定十四年龜疫

按宋史寧宗本紀不載 按五行志嘉定十四年春楚州境上龜大小死者被野

嘉定十七年巨魚見

按宋史寧宗本紀不載 按五行志十七年海壇縣鹽官地數十里先是有巨魚橫海岸民鬻食之海患共六年而平

端宗景炎三年黃龍見

按宋史二王本紀景炎三年四月有黃龍見海中

金

太祖收國元年黃龍見

按金史太祖本紀收國元年九月己卯黃龍見空中

熙宗皇統九年龍闕

按金史熙宗本紀皇統九年四月丁丑有龍闕于利州榆林河水上大風壞民居官舍瓦木人畜皆飄颺十數里死傷者數百人

世宗正隆六年黃龍見

按金史世宗本紀正隆六年五月居貞懿皇后喪黃龍見寢至上九月黃龍見雲中

大定十四年白龍見

按金史世宗本紀大定十四年八月丁巳日中白龍見御帳東小港中須臾乘雲雷而去

章宗明昌五年龍見

按金史章宗本紀明昌五年七月丙戌以天壽節宴

樞光殿時久雨初霽有龍曳尾于殿前雲間宣宗貞祐二年龍見

按金史宣宗本紀貞祐二年六月壬戌黃龍見西北

元

順帝至元五年蛟出

按元史順帝本紀不載 按五行志至元五年六月庚戌汀州長汀縣山蛟出大雨驟至平地湧水深三丈餘漂沒民居八百餘家壞田二百餘頃

至正十七年龍闕

按元史順帝本紀至正十七年溫州路樂清江中龍起颶風作有火光如毬 按五行志十七年六月癸酉溫州有龍闕于樂清江中颶風大作所至有光如毬者萬餘八月癸丑祥符縣西北有青白二龍見若相關之勢良久而散

至正二十三年江中有物登岸蛇首四足

按元史順帝本紀不載 按五行志二十三年正月甲辰廣西貴州江中有物登岸蛇首四足而青色長四尺許軍民聚觀而殺之

至正二十四年黃龍見

按元史順帝本紀二十四年六月保德州黃龍見井中

至正二十七年龍見

按元史順帝本紀二十七年六月丁巳皇太子寢殿後新甃井中有龍出光焰燦人宮人震懼仆地又長慶寺有龍纏繞槐樹飛去樹皮皆剝 按五行志二十七年六月丁巳皇太子寢殿新甃井成有龍自井而出光焰燦人宮人震懼仆地又宮牆外長慶寺所

掌成宗幹耳朵內大槐樹有龍纏繞其上良久飛去樹皮皆剝七月益都臨朐縣有龍見于龍山巨石重千斤浮空而起

明

太祖洪武元年蛟出

按江西通志洪武元年寧州大風雨蛟出山水暴溢

民多溺死詔遣使賑恤

成祖永樂二年獲神龜

按江南通志永樂二年九月獲神龜于幕府山

永樂十八年龍見井中

按山東通志永樂十八年武定城西南隅井龍見

英宗天順二年龍見

按廣東通志天順二年夏四月瓊州龍見日晡九龍見于郡西雲數色覆之時蜻蜓隨飛者萬萬計

憲宗成化元年蛛與龍鬪

按山西通志成化元年霍州蛛與龍鬪東山鷄掌凹

妖蛛與龍鬪山水衝沒田產樹木

成化七年蛛與龍鬪

按畿輔通志成化七年龍與蜘蛛鬪于盤山斃之野

人獻其皮如車輪

成化七年龍戰

按山東通志成化七年武定龍戰于野

成化十八年龍見南康洋池

按江西通志成化十八年南康府龍出于儒學洋池

張元貞有記

成化十九年雲中龍頭見獲水怪

按長洲縣志成化十九年間門有朱姓者夏夜見西

北雲際一龍頭大如屋精光燦然背立一披髮者又白蓮橋漁人網得一物龍首魚尾目赤如火四足類鴨狀如鳧漁人怪之鞭數百不死

成化二十三年龍見

按山西通志成化二十三年董陂水溢聞喜泰龍池

水溢鱗甲大如桐葉水有血痕

孝宗弘治八年龍見

按四川通志弘治八年龍見于富順瀾蓬爪尾鱗甲繞空中

弘治九年龍起宣鎮刀鞘中

按眉公見聞錄弘治九年六月初五日宣府鎮南口

墩天雨降火光明發腰刀鞘內龍起煉化刀尖一處

燒傷軍人二名及損壞軍器什物龍者陰類其潛也

淵其飛也天出人有時今起自邊墩刀鞘之間近龍孽也

弘治十年雨魚

按山東通志弘治十年春三月冠縣大風墮魚于市

弘治十六年五龍見

按河南通志弘治十六年葉縣五龍掛于城北十里

頃之墜地蜿蜒不能起已而雲霧晦暝遂失所在

弘治十八年龍見

按唐縣志弘治十八年完縣檀溪山洞中有龍白日

飛出入于馬耳山洞中禱雨輒應後樵牧者每見一

老人時往來洞中問其晴雨屢驗相傳為龍之變化

也

弘治

年巨魚出

按福建通志弘治末年漳浦九都有巨魚入潮落不

能去鄉人爭剖其肉時飢賴以濟

武宗正德十年黃龍見

按湖廣通志正德十年夏沔陽黃龍見

正德十一年異龜見

按畿輔通志正德十一年十月任丘異龜見徑尺餘

金文綠毫

正德十三年龍鬪

按江南通志正德十三年常熟雷電白龍一黑龍二

壞民居吸舟二十餘艘松江大水有九龍鬪于海

正德十五年龍見

按江西通志正德十五年夏五月暴風豐城有三龍

見于楓樹橋秋九月九江暴風龍開河小港女兒港

壞舟數百溺死商人無算

正德十六年龍見

按山西通志正德十六年孟縣龍見時曹村龍見風

雪晝晦拔木毀民屋十餘所

世宗嘉靖二年龍與蚌鬪

按吳縣志嘉靖二年癸未六月太湖有龍與蚌鬪聲

震兩山龍自雲端直下其爪可數十丈蚌于水面旋

轉如風仰噴其涎亦數十丈三四日乃息久之漁人

于西山側得死蚌一其殼可貯粟四五石七月三日

大風拔木湖溢漂溺民居

嘉靖五年龍見

按廣西通志嘉靖五年二月容縣大水連漲數日水

退見兩岸龍車軌跡戊子宣化縣龍見

嘉靖六年龍見

按全遼志嘉靖六年丙寅雨五龍見于北

嘉靖十二年龍見

按湖廣通志嘉靖十二年二月穀城白龍見于張家村

嘉靖十三年龍見

按垣曲縣志嘉靖十三年有龍見末後黃河盛漲三日淹入南門衝沒田產人畜不可勝紀

嘉靖十五年龍見大魚出

按山西通志嘉靖十五年龍見于堡頭村首尾貫于兩樹橫迤七十餘步頃之徐入澗水

按陝西通志嘉靖十五年夏津縣黑龍江漲獲大魚數十有近丈者

嘉靖十六年龍見

按畿輔通志嘉靖十六年六月丙辰遷安大風雷雨擊縣新堂春玲瓏花草如刻畫狀有龍戲其上

按貴州通志嘉靖十六年秋八月省城見龍

嘉靖十七年龍見

按廣東通志嘉靖十七年秋七月朔日會同龍見騰聲轟烈疾如飛電僅露半身觀者萬計

嘉靖十八年龍出于樹

按陝西通志嘉靖十八年三月同州龍出于樹大風雨烏鵲死者無數火燃三日

嘉靖十九年蛟出龍見

按貴州通志嘉靖十九年春三月黎平大雷雨蛟出府治儀門夏五月石阡龍見

嘉靖二十年龍吟大龜見

按湖廣通志嘉靖二十年六月沔陽龍吟于赤水聲聞二十里半日止

按廣東通志嘉靖二十年春三月興寧大龜見西河水漲有大龜丈餘金光射人沔河而上所過田陬皆壞是歲大稔

嘉靖二十一年青龍見

按湖廣通志嘉靖二十一年五月邵河青龍游水上

嘉靖二十四年隕大龜

按畿輔通志嘉靖二十四年夏完縣龜見大雨中自天隕下大徑尺送入新興中天

嘉靖二十六年獲大魚馬首

按江南通志嘉靖二十六年蘇州花浦口捕獲大魚馬首有足重二千斤

嘉靖二十九年蛟出龍見

按江西通志嘉靖二十九年五月廬山五老峯蛟出數百

按湖廣通志嘉靖二十九年閏六月洞庭湖中五龍見

嘉靖三十一年飛魚飛龍見

按湖廣通志嘉靖三十一年光化有魚長數丈飛仙馬鄉

按廣西通志嘉靖壬子春三月宣化縣飛龍見

嘉靖三十二年龍見

按畿輔通志嘉靖三十二年保定府百戶孟吉園中龍起火光燭天

嘉靖三十五年大魚出

按廣西通志嘉靖三十五年七月二十三日太平府有巨魚長丈餘出沒水面凡三日乃止其鯉魚之屬皆聯于尾見者怪之

嘉靖三十七年龍鬬
按江南通志嘉靖三十七年江都黑白二龍鬬大風晝晦見星所過折木壞屋

嘉靖四十年火龍見

按山東通志嘉靖四十年黃縣火龍晝見
嘉靖四十二年龜生卵

按大政紀嘉靖四十二年八月御苑龜生卵者五羣臣表賀

穆宗隆慶二年龍見

按福建通志隆慶二年三月十七日海澄縣有黑雲挾龍自八都東方起捲屋裂瓦火光倏忽燒燼苗蔬古塚棺槨亦有擊移者至巷口而滅

隆慶三年獲龍首骨于井

按四川總志隆慶三年羅江縣鄉人潛井得龍首骨及珠一顆如鵝卵大晶光耀目人爭取玩忽雷一震復墜于井再覓之不獲

隆慶四年蛟出

按福建通志隆慶四年八月初七日大雨三日蛟起于壺山崩數丈

神宗萬曆三年龍見

按福建通志萬曆三年七月四日有龍起東北方大雨如注

萬曆七年龍見

按潞安府志萬曆七年九月二十一日未時無雲而電其先有霏烟若縵有龍形首尾彷彿可辨自東北上昇

萬曆九年蛟出

按福建通志萬曆九年五月同安長興從順里蛟起雨傾如注漂流人居多溺死

萬曆十二年龍見

按四川總志萬曆十二年五月三日夜半保縣南溝龍行光明如月聲如鼓吹硫黃氣逆鼻雷雨大作迄不為災

萬曆十四年火龍見

按四川總志萬曆十四年三月武隆火龍見其長五天

萬曆十七年龍遺卵

按山西通志萬曆十七年秋七月萬全衛氏大水衝沒人居甚衆人言烏亭有二龍淡旬縣西百里店灘獲一巨卵如磐中搖經經置縣前鮮能辨者送黃儀古利後復大水載去或以爲龍所遺

萬曆二十一年蛟見

按廣東通志萬曆二十一年海豐黑白兩蛟見

萬曆二十二年蛟化為龍

按廣西通志萬曆二十二年甲午夏昭平縣蛟起明源江化為龍

萬曆二十七年龍見

按廣東通志萬曆二十七年吳川海中三龍見

萬曆三十四年白龍見

按四川總志萬曆三十四年六月成都大軍營白龍

晝飛光如銀鏡有金鐵聲田中水盡沸人亦有攝起至數尺者

萬曆三十六年白龍見

按江南通志萬曆三十六年白龍見于黃浦一神人

立其首

萬曆三十九年龍見

按福建通志萬曆三十九年六月龍起于府城西關外之北山崩水湧大雨如注

萬曆四十二年蛟出

按江西通志萬曆四十二年春廬山蛟出水湧

萬曆四十三年蛟出

按廣西通志萬曆四十三年七月恭城縣勢江山崩出蛟平樂河水暴漲魚死塞江水不可食民掘泉取水

萬曆四十五年蛟龍出

按廣西通志萬曆四十五年丁巳八月初四日恭城縣陰雲密布雨下如注山澗水湧連崩一十三嶺樹木拔折綠江鱗甲之物死者無算巨木散材河崖堆積如山人云有蛟龍出焉

萬曆四十六年龍鬬

按廣西通志萬曆四十六年夏六月恭城縣諸溪不雨而漲申家廖洞傳有龍鬬日夜不休山水若決率皆泥淖

嘉宗天啓二年蛟出

按江西通志天啓二年秋九江太平宮蛟出屋毀橋圯

愍帝崇禎四年龍見而鬬

按山東通志崇禎四年沂水二龍鬬于沂河河水泛溢漂沒數千家

按雲南通志崇禎四年龍見于石屏之異龍湖鬬爪鱗甲皆見

崇禎九年龍鬬

按雲南通志崇禎九年七月順寧龍鬬

崇禎十二年大魚出

按江南通志崇禎十二年春松江有二大魚長數十丈目中可容三人無睛

崇禎十四年龍見

按汝寧府志崇禎十四年春光州東南大雨有龍蜿蜒行地兩目金光如斗所過池塘盡涸已而復滿行數里有龍接之升天而去

崇禎十六年龍見龍鬬

按山西通志崇禎十六年秋八月黎城龍見十四日夜星月交潔絕無雲雷一龍蜿蜒上升金光燦爛戶牖皆黃

按陝西通志崇禎十六年乾陵有龍鬬